

GWERZ EMGANN SANT-KAST ⁽¹⁾

Barz e miz gwengolo, an devez unekvet,
Ar Saozon e Sant-Kast a zo bet diskennet ;
Malboroug (2) a sonje, gant e soudarded ru,
E kemerje Breiz evel c'hoari dotu.

Nag an duk d'Aiguillon, pa glevas ar c'helo,
A oa e kichen Brest, 'barz e Sant-Vazeo ;
Da bevar c'horn ar vro souden en deus kaset
Kabitened fidel da voda e soudarded.

Pan erruas ar vrud er gêr a Landreger,
Ar c'hont D'Aubigny a reas son ar c'hleier ;
Savet e voe raktal er c'harter tro-war-dro
Eur strollad tud vaillant prest da zifenn o bro.

Pan erruas ar vrud e gêr a Lanuon,
E voe lakaet souden kloc'h ar vali da son ;
Savet e voe raktal er c'harter tro-war-dro
Eur strollad tud vaillant prest da zifenn o bro.

Pan erruas ar vrud e treuziou Gwengampiz,
Evid son ar c'hloc'h bras e redchont d'an iliz ;
Savet e voe raktal er c'harter tro-war-dro
Eur strollad tud vaillant prest da zifenn o bro.

O tremen Sant-Brieg, o deus em renkontret
Ar c'habitened arme hag an troupou renket ;
« Allo, sonit ar march gant ho taboulino ;
« Awalc'h 'omp breman evit difenn hor bro ».

P'errujont e Plankoed, e weljont ar Saozon
Kampet war an draezenn, e kichen ar mor don,
Hag ar C'hont D'Aubigny a ziskennas neuze
Betek ar Saozon hag a c'houlennas digante :

— Piou oc'h, hag a be bro ha petra a glasket,
Vel eur vanden laeron, potramant tud kollet ?
Ma 'z oc'h deut er vro-man da c'houlenn aluzon,
E kavan, war ma le, hir ho prosesion.

— Breman souden, kontik, ni a ray d'eoc'h gwelet
Ha ni zo laeron, ha ni 'zo tud kollet ;
An aluzen a c'houlennomp eo Brest ha Montroulez,
Sant-Malo, Sant-Brieg, d'ober hon tiegez.

— Ma kavit eun tammik arogant ma c'homzou,
Me 'm eus ugent mil den (3) da souten anezo.

— Na ma pefe ugent all, m'hen tou, war ma feiz,
Ne po ket tachen eus douar Breiz ;
Met ar pezh a vuzulfet aman souden,
Gant ho korfou maro, astennet penn-ouzh-penn.

— Allo, taboulino, sonit-hu d'imp raktal,
Ma rimp d'ar Saozon komans ar bal ;
Gwaskomp ar forbaned a zo deut eus Bro-Saoz
Da glask hor surpren evel bleizi en noz.

Ne oa ket ar c'hont e c'her peurachuet,
Ma komansas ar c'herz gant an troupou renket,
Ar gwad kristen skuilha hag ar maro redek ;
Ma komansas bolejo strakal war ar gerrek,

Kriz vije ar galon na sklasje gant ar spont,
O welout ar re varo o koueza 'n dro d'ar c'hont ;
E gleze en e zourn en koummoul ar gombat,
E kerze joaüs 'vel o vont d'an ebat.

— Allo, gwazed Treger, diskouezit ez oc'h paotred !
Biskoaz en hon eskopti n'ez eus bet poltroned !
En araok, paotred vat, hag ho pezo, war va le,
Danvez justinou ruñ da roi d'ho kwrage !

En araok ! D'ar Saozon, enebourien Breiz,
Enebourien d'hor roue, enebourien d'hor feiz.

E kreiz eur goummoulenn, e voe gwelet neuze
Sant Erwan binniget, gant eur vandenn aele,
Tistroi ar boledou a gostez e vroiz.

"Breiz"
15 oct 33

169

174

Ne oa ket ar c'hont e c'her peurachuet,
 Ma komansas ar c'herz gant an troupou renket,
 Ar gwad kristen skuilha hag ar maro redek ;
 Ma komansas bolejo strakal war ar gerrek,

Kriz vije ar galon na sklasje gant ar spont,
 O welout ar re varo o koueza 'n dro d'ar c'hont ;
 E gleze en e zourn en koummoul ar gombat,
 E kerze joaüs 'vel o vont d'an ebat.

— Allo, gwazed Treger, diskouezit ez oc'h paotred!
 Biskoaz en hon eskopti n'ez eus bet poltroned!
 En araok, paotred vat, hag ho pezo, war va le,
 Danvez justinou ruz da roi d'ho kwrage!

En araok! D'ar Saozon, enebourien Breiz,
 Enebourien d'hor roue, enebourien d'hor feiz.

E kreiz eur goummoulenn, e voe gwelet neuze
 Sant Erwan binniget, gant eur vandenn aele,
 Tistroi ar boledou a gostez e vroiz,
 D'o skei adarre gant enebourien Breiz.

Neuze e savas kri-forz e koste ar Saozon :
 « Truez! karter! emezo, truez, karter ha pardon! »
 Re ziwezat e oant ; gant o chupennou ru,
 E voent lazet neuze evel bleizi en hu.

Echu eo an emgann ; dizroet omp d'hor c'hêriou ;
 Sant Erwan binniget, reseo hor pedennou!
 Te ac'h eus hon difennet, roet d'imp ar viktoar
 Ha bepred e kanimp kantikou d'az gloar.

Diwar dournskridou Penguern n° 94, p. 29. Reizskrivet gant

AR MENNEK.

(1) - 11-9-1758.

(2) - Bligh eo a rene ar soudarded saoz.

(3) - 8.000 ne oant ken ; wardro 3.000 a voe lazet pe veuzet.

An Ao. Maurice a oa neuze person e Sant-Kast a skrivas kement-man diwarbenn an emgann : « Je me figurais que tous nos pauvres bataillons allaient être écrasés ; mais non ; la Providence ne permit pas que les coups (des Anglais) portassent ».